



CONVENIO DE COLABORACIÓN ENTRE O INSTITUTO ENERXÉTICO DE GALICIA (INEGA) E A ESCUDERIA CORUÑA PARA A REALIZACIÓN DUN EVENTO RELACIONADO COAS ENERXÍAS RENOVABLES

Santiago de Compostela, a 25 de marzo de 2019

REUNIDOS

Dunha parte, D. _____, en nome e representación do Instituto Enerxético de Galicia, con domicilio na rúa Avelino Pousa Antelo, nº 5 (15703 Santiago de Compostela) e na súa calidade de director deste, cargo para o que foi nomeado polo Decreto 235/2012, do 5 de decembro, facendo uso das facultades do seu cargo e das que lle foron conferidas en virtude das atribucións que lle confire a Resolución do 10 de marzo de 2017 pola que se delegan competencias atribuídas á persoa titular da Presidencia da axencia Inega (DOG núm. 60, do 27 de marzo).

Doutra parte, D. _____, DNI 32310514E, como representante de Escudería Coruña, con domicilio na rúa Francisco Catoira 18 baixo, 15007 A Coruña e na súa calidade de presidente de esta, cargo para o que foi nomeado o 4 de febreiro de 2019, coa modificación da xunta directiva da Escudería Coruña no rexistro de entidades deportivas, con CIF G15115058, e inscrita no Rexistro de Asociacións deportivas de Galicia co número C-201.

As partes comparecentes recoñécense entre si capacidade xurídica suficiente e poder abondo para abrigarse neste convenio e, para tal efecto

EXPOÑEN

Primeiro.- Que o Inega é unha entidade instrumental do sector público autonómico con personalidade xurídica e patrimonio de seu para o cumprimento dos seus fins que se constitúe en Axencia por Decreto 142/2016, do 22 de setembro, mantendo a súa adscrición a Consellería competente en materia de enerxía, conforme ao establecido na Lei 3/1999, do 11 de marzo e entre os seus fins están "o fomento, impulso e realización de iniciativas e programas de actuación para a investigación, o estudo e o apoio das actuacións de coñecemento, desenvolvemento e aplicación das tecnoloxías enerxéticas, incluídas as renovables, a mellora do aforro e a eficiencia enerxética, o fomento do uso racional das enerxías e, en xeral, a óptima xestión dos recursos enerxéticos dos distintos sectores económicos de Galicia, así como a participación na xestión e prestación, se é o caso, de servizos neutros campos sinérxicos, de acordo coas directrices do goberno no ámbito das súas competencias".

Que para o exercicio axeitado das súas funcións, o Inega pode establecer convenios e contratos con institucións públicas ou privadas, así como colaborar con outras Administracións para favorecer a adopción de medidas de aforro, de racionalización na produción, distribución e subministración de enerxía (art. 5 da Lei 3/1999).



Segundo.- Escudería Coruña e unha asociación sen ánimo de lucro que ten como obxectivo básico a práctica de actividade social e automobilística deportiva.

Terceiro.- A Lei 9/2007, de 13 de xuño, de subvencións de Galicia, prevé a concesión directa de subvencións cando se acrediten razón de interese público, social, económico, humanitario ou outras debidamente xustificadas que dificulten a súa convocatoria. Neste caso, as razóns as que alude a devandita disposición normativa enténdense acreditadas por tratarse dunha asociación sen ánimo de lucro, a primeira na Coruña adicada exclusivamente ó automovilismo deportivo en xeral, que está interesada en promover actuacións que contribúan a eficiencia e aforro enerxético na conducción, organizando cursos que animen ós pilotos a cambiar os seus hábitos de conducción, dando prioridade á protección do medio ambiente e a sustentabilidade do sector do transporte mediante o uso da electricidade e de combustibles alternativos como fonte de enerxía para propulsar os vehículos.

Por todo isto, as partes acordan subscribir este convenio de colaboración, de acordo coas seguintes

CLÁUSULAS

PRIMEIRA. OBXECTO

O presente convenio ten por obxecto regular as condicións de cooperación ente o Inega e a Escudería Coruña para levar a cabo o Eco-Rallye da Coruña 2019.

SEGUNDA. OBRIGACIÓNS DA ESCUDERIA CORUÑA

1. Executar as actuacións previstas dentro do Eco-Rallye, cuxo programa orientativo figuran no anexo I de este convenio. Estas actuacións son as seguintes:

- a. Cursos de conducción eficiente.
- b. Charlas, conferencias e coloquios sobre as Enerxías Alternativas no mundo do motor.
- c. Presentación Oficial do Evento ás autoridades e medios informativos.

2. Deseño do contido do curso.

3. Elaboración da documentación da actuación e facilitarlle copia ao Inega.

4. Elección do profesorado e achegar todos os medios persoais, técnicos e materiais que permitan a realización da actividade formativa e impartición dos contidos.

5. Facer constar expresamente a colaboración prestada polo Inega na información e publicidade das actuacións obxecto do convenio coa utilización do correspondente logotipo identificativo.

6. Entregar un informe final das actuacións realizadas co seguinte contido mínimo:

- a. Programa Final do curso.
- b. Listaxe detallado de participantes. Contemplando nome, teléfono e DNI.
- c. Formadores. Listado de Formadores e relatores empregados (Currículo)
- d. Lugar de celebración do curso.
- e. Material de apoio a formación e as outras accións. Manual e documentación empregada.



- f. Resultados das enquisas de valoración. Folla de rexistro dos resultados das enquisas e análise dos comentarios ós resultados.
- g. No caso de realizarse algún tipo de proba a finalización da acción formativa, resultado da mesma.
- h. En todas as actividades realizarase control de sinaturas dos asistentes e fotografías das xornadas nas que se vexa de xeito xeral os alumnos e poñentes así como a publicidade da orixe dos fondos.

7. De conformidade co establecido nos artigos 11 e 14 k) e j) da Lei 9 /2007, do 13 de xuño, de subvencións de Galicia, son obrigas da Escudería Coruña as seguintes:

- a. Cumprir o obxectivo, executar o proxecto, realizar a actividade ou adoptar o comportamento que fundamenta a sinatura do presente convenio.
- b. Xustificar ante o Inega o cumprimento dos requisitos e condicións, así como a realización da actividade e o cumprimento da finalidade que determine a concesión da axuda.
- c. Someterse ás actuacións de comprobación a efectuar polo Inega, así como a calquera outra actuación, sexa de comprobación e control financeiro, que poidan realizar os órganos de control competentes, tanto autonómicos coma estatais ou comunitarios, achegando canta información lle sexa requirida no exercicio das actuacións anteriores.
- d. Comunicar ao Inega a obtención de subvencións, axudas, ingresos ou recursos que financien a actividade obxecto do presente convenio, así como a modificación das circunstancias que tivesen fundamentado a súa sinatura. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada aos fondos percibidos.
- e. Acreditar con anterioridade ao outorgamento da axuda que se atopa ao corrente no cumprimento das súas abrigas tributarias e fronte á Seguridade Social e que non ten pendente de pago ningunha outra débeda coa administración pública da Comunidade Autónoma, na forma que se determine regulamentariamente.
- f. Dispor dos libros contables, rexistros dilixenciados e demais documentos debidamente auditados nos termos esixidos pola lexislación mercantil e sectorial aplicable ao beneficiario, coa finalidade de garantir o adecuado exercicio das facultades de comprobación e control.
- g. Dar publicidade do financiamento por parte do Inega do investimento que se subvenciona, consistente en incluír a imaxe institucional do Inega e da Xunta de Galicia nos carteis, Placas conmemorativas, materiais impresos, medios electrónicos audiovisuais, ou ben en mencións realizadas nos medios de comunicación.
- h. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
- i. Proceder ao reintegro dos fondos percibidos nos supostos considerados no artigo 33 da Lei 9/2007, do 13 de xuño de subvencións de Galicia.



j. Facilitar toda a información que lle sexa requirida pola Intervención Xeral da Comunidade Autónoma, o Tribunal de Contas e o Consello de Contas no exercicio das súas funcións de fiscalización e control do destino das subvencións.

k. Subministrar toda a información necesaria para que a Consellería poida dar cumprimento ás obrigas previstas no Título I da Lei 1/2016, do 18 de xaneiro, de transferencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

TERCEIRA. CONTÍA DA AXUDA

Para o desenvolvemento do obxecto do presente Convenio, o Inega achegará a cantidade de 5.000,00 € do seu orzamento de gastos para o ano 2019, con cargo a aplicación orzamentaria 09.A2.733A.481.0 .

CUARTA. XUSTIFICACIÓN E PAGAMENTO

1. O pagamento á Escudería Coruña efectuarase do seguinte xeito:

- a. Unha primeira achega de 2.500,00 € correspondente ao 50% do orzamento, que se efectuara unha vez asinado o convenio.
- b. Unha segunda achega de 2.500,00 €, ao remate do Eco-Rallye, previa xustificación en forma e prazo das actuacións realizadas e a súa comprobación polo persoal do Inega.

Os pagos efectuarase mediante transferencia bancaria á conta indicada pola Escudería Coruña: ES91 2080 0703 6630 4000 2226.

2. A xustificación das actuacións realizarase antes do 15 de decembro de 2019.

3. Coa conta xustificativa do gasto deberá achegarse xustificantes de pagamento ou calquera outro documento con validez xurídica que permita acreditar o cumprimento do obxecto da subvención pública.

Serán subvencionables os gastos en que se incorra con posterioridade a sinatura do convenio e estes acreditaranse mediante facturas e demais documentos de valor probatorio equivalente con validez no tráfico xurídico mercantil ou con eficacia administrativa, nos termos establecidos regulamentariamente. O aboamento das facturas efectuarase dentro do prazo de 60 días seguintes a data de recepción da mesma.

Cando o importe do gasto subvencionable supere a contía de 40.000 € no suposto de custo por execución de obra, ou de 15.000€ no suposto de subministración de bens de equipo ou prestación de servizos por empresas de consultaría ou asistencia técnica, o beneficiario deberá solicitar como mínimo tres ofertas de diferentes provedores, con carácter previo a contratación do compromiso para a prestación do servizo ou a entrega do ben, salvo que polas especiais características dos bens subvencionables non exista no mercado suficiente número de entidades que o subministren ou presten, ou salvo que o gasto se realizase con anterioridade á solicitude da subvención.

A elección entre as ofertas presentadas, que deberán achegarse na xustificación, ou, se é o caso, na solicitude de subvención, realizarase de conformidade con criterios de eficiencia e economía, e deberá xustificarse expresamente nunha memoria a elección cando non recaía na proposta económica mais vantaxosa.



3. Coa conta xustificativa de gasto a Escudería Coruña deberá achegar:

- a. Unha declaración na que se indique as axudas solicitadas ou recibidas para a mesma finalidade.
- b. Os certificados de que se atopa ao corrente no cumprimento das súas abrigas tributarias e fronte á Seguridade Social e que non ten pendente de pago ningunha outra débeda coa administración pública da Comunidade Autónoma.
- c. Documento emitido pola entidade bancaria no que conste o número de conta (C.C.C.) a nome do beneficiario.

4. O Inega resérvase o dereito de solicitar toda a documentación que considere precisa, en relación coa xustificación do cumprimento do obxectivo do convenio.

QUINTA. MODIFICACIÓN

Toda alteración das condicións tidas en conta para a sinatura deste convenio, e, en todo caso, a obtención doutras axudas ou subvencións outorgadas por outras administracións ou entes públicos ou privados, nacionais ou internacionais, poderá dar lugar á modificación do convenio.

SEXTA. REINTEGRO DA SUBVENCIÓN

Calquera incumprimento do establecido no presente convenio, das obrigas dos beneficiarios que sinala o artigo 11 da Lei 9/2007, do 13 de xuño, de subvencións de Galicia, a achega de documentación fraudulenta ou a desviación do obxecto do gasto a fins distintos dos estipulados neste Convenio, darán lugar á resolución convenio, coa obriga de reintegro parcial ou total das cantidades percibidas ata o momento tal e como establece o artigo 33 e seguintes da Lei 9/2007, do 13 de xuño, de subvencións de Galicia e a través do procedemento establecido polo artigo 37 e seguintes da mesma Lei.

SÉTIMA. SUBCONTRATACIÓN

Para o desenvolvemento desta actuación a Escudería Coruña efectuará as subcontratacións precisas de acordo co disposto no artigo 27 da Lei 9/2007, do 13 de xuño, de subvencións de Galicia.

OITAVA. CONCORRENCIA CON OUTRAS SUBVENCIÓNS PÚBLICAS

Para as actuacións previstas neste Convenio non se poderán recibir outras axudas ou subvencións.

O incumprimento do disposto neste artigo considerarase alteración das condicións tidas en conta para a concesión da axuda e poderá dar lugar á modificación da resolución da concesión.

NOVENA. VIXENCIA

O presente convenio entrará en vigor ao día seguinte ao da súa sinatura e terá vixencia ata o 30 de decembro de 2019.





DÉCIMA. INEXISTENCIA DE RELACIÓN LABORAL

A subscripción deste convenio non supón ningunha relación laboral contractual ou de calquera outro tipo entre os profesionais da Escudería Coruña que vaian a desenvolver as actividades e o Inega, de tal xeito que non se lle pode esixir á entidade pública ningunha responsabilidade polos actos ou feitos acontecidos no seu desenvolvemento.

DECIMO PRIMEIRA. COMISIÓN DE SEGUIMIENTO

Coa finalidade de asegurar a correcta execución deste convenio constituirase unha Comisión de Seguimento, que estará composta por un representante de cada unha das partes asinantes, nomeados polo representante da Escudería Coruña e polo director do Inega, respectivamente, que terá como misión velar pola correcta aplicación e desenvolvemento do convenio.

A Comisión reunirase as veces que sexan precisas a petición de calquera das partes asinantes.

DECIMO SEGUNDA. PROTECCIÓN DE DATOS

As partes están obrigadas a cumprir coas normas sobre a protección de datos, concretamente o que establece na Lei Orgánica 3/2018, do 5 de decembro, de protección de Datos Persoais e garantía dos dereitos dixitais.

DECIMO TERCEIRA. PUBLICIDADE

En canto á publicidade, procederase de conformidade co mandato da Lei 1/2016, do 18 xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de Convenios da Xunta de Galicia e no Decreto 132/2006 do 27 de xullo, de creación dos rexistros de axudas, subvencións e convenios, e de sancións da Xunta de Galicia.

DECIMO CUARTA. CAUSAS DE RESOLUCIÓN

Serán causas de resolución do convenio procedendo o reintegro, total ou parcial, da axuda percibida e dos xuros de mora correspondentes as determinadas no artigo 33 da Lei 9/2007, de 13 de xuño.

En especial, serán causas de resolución do presente convenio as seguintes:

- a. O transcurso do prazo de vixencia establecido sen que se leve a cabo o obxecto do mesmo.
- b. O mutuo acordo entre as partes.
- c. A imposibilidade sobrevida para o cumprimento dos termos do presente acordo.
- d. A denuncia de calquera das partes formulada por escrito con quince días de antelación.
- e. O incumprimento total ou parcial dalgunha das súas cláusulas.



DECIMO QUINTA. NATUREZA E RÉXIME XURÍDICO

O presente convenio ten natureza administrativa, quedando fóra do ámbito de aplicación da Lei 9/2017, do 8 de novembro, de contratos do sector público; sen prexuízo da aplicación dos principios e criterios da devandita Lei para resolver as dúbidas ou lagoas que puidesen presentar.

Este convenio o ter carácter administrativo todas as diferenzas que poidan xurdir entre o Inega e a Escudería Coruña, en relación coas cuestións controvertidas non resoltas no seno da comisión de seguimento, someteranse ao coñecemento da xurisdición contencioso-administrativa.

O presente convenio rexeráse polas súas cláusulas e polo Acordo do Consello da Xunta do 27 de marzo de 1991, publicado por Resolución da Consellería de Economía e Facenda do 8 de Abril de 1991, sobre convenios de colaboración con outros entes públicos e con particulares, así como polas disposicións que en materia de convenios se recollen na Lei 1/2016, do 18 de xaneiro, de transparencia e bo goberno; pola Lei 38/2003, do 17 de novembro, xeral de subvencións e o Real Decreto 887/2006, do 21 de xullo, polo que se aproba o Regulamento da devandita Lei; pola Lei 9/2007 de 13 de xuño, de subvencións públicas e o resto da normativa de aplicación.

E en proba de conformidade, asínase o presente convenio de colaboración, en duplicado exemplar, no lugar e data indicado ao comezo.

O DIRECTOR DO INEGA

O PRESIDENTE DE ESCUDERIA CORUÑA

**ANEXO I****Fase 1:**

- Cursos de conducción eficiente.
- Charlas, conferencias e coloquios sobre as Enerxías Alternativas no mundo do motor.
- Presentación Oficial do Evento ás autoridades e medios informativos

Fase 2:

Fecha	Horario	Acto	Lugar
Viernes 1/3	20:00	Publicación del Reglamento Particular y del Tramo de Calibración	Tablón Oficial de Avisos www.escuderiacoruna. Com
Viernes 22/3	12:00	Publicación de Medias de Regularidad	
Jueves 28/3	20:00	Publicación de la lista Oficial de inscritos	
	21:00	Publicación Libro de Ruta	
Viernes 29/3	19:00 a 20:00	Entrega de documentación (opcional)	Palacio de Deportes de A Coruña
	19:15 a 20:15	Verificaciones técnicas (opcionales)	
	20:00	Recarga opcional vehículos eléctricos	
Sábado 30/3	09:00 a 10:00	Entrega de documentación y Road Book	Palacio de Deportes de A Coruña
	09:15 a 10:15	Verificaciones técnicas	Estación de Servicio
	10:00 a 11:00	Repostaje inicial obligatorio	
	11:00	Fin recarga opcional vehículos eléctricos	Palacio de Deportes de A Coruña
	09:30 a 11:30	Entrada de los vehículos al Parque de Salida	
	12:00	Salida 1º participante 1ª Sección	
	14:15	Llegada 1º participante 1ª Sección	
	14:20	Recarga intermedia vehículos eléctricos	
	16:00	Salida 1º participante no eléctrico 2ª Sección	
	18:30	Salida 1º participante eléctrico 2ª Sección	
	21:15	Llegada 1º participante	
	22:00	Publicación Clasificación Oficiosa Regularidad	Tablón Oficial de Avisos
Domingo 31/3	10:00	Salida hacia repostaje final	Palacio de Deportes de A Coruña
	10:00	Fin recarga vehículos eléctricos	Estación de Servicio
	10:15	Repostaje final obligatorio	
	11:30	Salida recorrido neutralizado	Palacio de Deportes de A Coruña
	11:45	Foto de Familia	Torre de Hércules
	12:00	Tramo exhibición	Plaza de María Pita
	12:30	Llegada 1º participante Final de Rallye	
	12:30	Publicación de la Clasificación Final Provisional	Tablón Oficial de Avisos
	13:00	Publicación de la Clasificación Final Oficial	
	13:00	Entrega de Trofeos - Ceremonia de Podium	Plaza de María Pita





Anexo II

CONCEPTOS Xustificación	Nº DE ACCIÓNS	CUSTO TOTAL
Permisos Federativos e Seguros de accidentes e responsabilidade civil	26 permisos e 2 seguros	1.400
Oficiais colexiados, técnicos, deportivos e de seguridade	100 membros	3.250
Promoción, imprenta, publicidade, divulgación,	20 accións	3.000
Sistema de recargas eléctricas e repostaxes	4 sistemas: Eléctricos, Híbridos, GLP, GNV,	9.000
Sistemas informáticos, cronometraxe, gps, saídas, instalacións	4 sistemas técnicos e 3 instalacións	3.850
Trofeos e ceremonias de entrega	2 actuacións	3.480
Servicios de seguridade, transporte, sanitarios e mecánicos	10 vehículos	1.940
Presentación, charlas, conferencias e cursos sobre enerxías alternativas e eficiencia enerxética.	4 actuacións	1.400
Confección e edición de Libros de Ruta e de seguridade	100 exemplares e 3 deseños.	650
CUSTO TOTAL POR CONCEPTOS		27.970,00

Fase 3:

- Mesa redonda de avaliación de resultados de eficiencia enerxética.

